

# गलतियन

**1** पौलुस की जौन मनइन की तरफ ते अउर न मनइन ते वरन् यीसु मसीह अउर परमेसुर बाप ते जउन मरन हुवन मा ते वहिका जियाइन परेरित हवै। <sup>2</sup>अउर सबन भाइयन कइ तरफ ते जउन हमरे साथइ हइ गलतियन की कलीसिया कइ नाम।

<sup>3</sup>परमेसुर पितउ अउर हमार परभु यीसु मसीह की तरफ ते तुम सबन कइ अनुग्रह अउर सान्ती मिलत रहय। <sup>4</sup>इह परमेसुर ने अपन आपु कइ हमार पापन खातिर दइ दिहिन, जिहि ते हमार परमेसुर अउर पितउ कइ इच्छा के अनुसार हमइ इह वरतमान मं बुरे संसार ते छुड़ाय। <sup>5</sup>वहि की अस्तुती अउर महिमा जुग जुग तलक होवत रहै, आमीन।

## दूसर सुसमाचारु नाही

<sup>6</sup>मोहि का अचरज होवत हइ कि जउन तुमहिन मसीह कइ अनुग्रह ते बोलाइन। वहिका तुम यतनी जल्द भुलाइ कइ फिरी कइ अउर ही परकार कइ सुसमाचारु की तरफ झुकि गयो। <sup>7</sup>मुला वहि दूसर सुसमाचारु होइ ही नाही सकत, पर बात इह हवै कि कितने अइसन हवै जउन तुमहिन घबराइ देत अउर मसीह कइ सुसमाचारु क बिगारा चाहित हय। <sup>8</sup>मुला यहि हम या सरग ते कउनउ दूतौ नाही सुसमाचारु का छांड़ि, हम तुमका सुनाइ हइ, कउनउ अउर सुसमाचारु तुमका सुनाइन हइ। तौ वहिका सराप लागी। <sup>9</sup>जइस हम पहिलेन ते कहित रहेन वइसन अब फिर कहित हइ, कि उइ सुभ समाचारु कै छोड़ि कइ जउन तुम स्वीकारु कइ लीहेउ जदि कोऊ अउर सुसमाचारु सुनाई देत तौ वहि सरापित होई। का अब तलक मनइन का मनावत रही, या परमेसुर का? जउन हम मनइन को परसन्न करिन चाहित हय।

<sup>10</sup>जदि हम अब तलक मनइन का ही परसनु करित हइ, तउ मसीह का दासु न होइ सकत।

## परमेसुर ते पौलुस का बुलावा

<sup>11</sup>हे भाइन लोगन हम तुमहिन क जताइ देत हइ, कि जउन सुसमाचारु हम सुनाई हय, वहि मनई ते नाई होइ सकत। <sup>12</sup>काहे ते वहि हमका मनइ केर ओर ते नाई पहुंची अउर न हमका सिखाय गवा हय, अउर वहि गयान परभु यीसु मसीह का परकास ते मिली।

<sup>13</sup>यहूदी धरम मं जउन पहिलेन हमारु चाल चलन रही तुम सुन चुकी होउ, कि हम परमेसुर की कलीसिया का बहुत ही सतइहैं। अउर नासु करत रही। <sup>14</sup>अउर अपन बहुत ते सह करमिन ते जउन हमार अवस्था क रही, यहूदी धरम मं बढ़त रही। अउर अपन बाप दादा केर बेवहारन म बहुत ही उत्तेजित रही। <sup>15</sup>मुला परमेसुर का जउन हमार महतारी के गरभै ते हमका ठहराई अउर अपन अनुग्रह ते बुलाइ लिहिन। <sup>16</sup>जबै इच्छा भइ कि हम म अपन बेटवा केर परगट कइ कि हम दूसर धरम म वहिका सुसमाचारु सुनाई तो न मासु अउर लोहू ते सलाह लेई। <sup>17</sup>अउर न यरुसलेम का उइ के पास गवा, जउन हमते पहिलेन प्यासा रही। मुला इ अरब का चलि गवा। अउर फिर वही ते दमिसक लउटि आवा।

<sup>18</sup>तीन बरसन बाद हम फिर भयांट खातिर यरुसलेम गयेन अउर उन्हीं के साथै पन्दरह दिनन तक रहै। <sup>19</sup>मुला परभु कइ भाई याकूब का छांड़ि अउर च्यालन मा ते कोऊ ते भ्यांट नाही किहिन। <sup>20</sup>जउन बातन हम तुमहिन का लिखिन, द्याखौ परमेसुर का उपस्थिति जानि कइ कहित हन, कि उइमा झूठि नाही हवै। <sup>21</sup>फिर हम सूरया अउर किलकिया कई देसन मा आइन। <sup>22</sup>मुला यहूदिया की कलीसियन ने जउन मसीह मा भई उन्हौ हमार मुंहु नाही द्याख। <sup>23</sup>मुला ई सुनित रहिन कि जउन हमार पहिलेन सतावा रहा, वही अब धमु क्यार सुसमाचारु सुनावति हइ, जेहिका विनासु पहिलेन करित रहै। <sup>24</sup>अउर हमार बारे मा परमेसुर की महिमा करित रहे हय।

**पोलुस केर परेरित ते अपनउब**

**2**चौदह बरसन कइ बादि हम बरनबासु कइ साथे फिर यरुसलेम का गवा रहा, अउर तीतुस कौ साथे लइ गवा।<sup>2</sup>अउर हमार जाना इस्वरीय परकासु कह अनुसार भवा। अउर जउन सुसमाचारु हम दूसर धरम वालेन मा परचारु करित रहै, उइका हम उइते बताइ देई, पर अकेले म उनहिन का जउन बड़े समझत रहै, जो कि अइसन नाई होई कि हमार इह समय की या अगली दौड़ धूप बेकारि ठहरि जाय।<sup>3</sup>मुला तीतुसौ जउन हमार साथ रहै, अउर जउन यूनानी हयं, खतना करिन खातिर बिवसु नाहीं किहिन।<sup>4</sup>अउर उइ झूठे भाइयन कइ खातिर जउन मसीह यीसु मा हमें मिली रहै कि उइ आजादी का जउन मसीह यीसु मा हमें मिली हय, भेंटि लेई केर हमका दास बनाई रहै।<sup>5</sup>उइ कइ अधीन होइके स्वीकारु हम एकु घरी भर नाई मानिन, ई खातिर सुसमाचारु की सच्चाई तुइ मा बनी रहै।

<sup>6</sup>फिर जउन लोग कछु समझी जात रहै वह चाहे कइसन ही रहै हम का ई ते कुछ कामु नाहीं, परमेसुर कउनेउ का पच्छपातु नाहिन करिन हई। उनते जउन कुछौ समझत रहै, हमका कुछौ नाई मिली रहै।<sup>7</sup>ई के बिपरीत उइ ने द्याखा कि खतना कीन हुएन लोगन कइ खातिर सुसमाचारु क काम पतरस का सौंपि गवा, वइसइ ही खतना न भए वालेन के खातिर हमका सुसमाचारु सुनाए क सौंपा गवा है।<sup>8</sup>काहे ते जउन ने पतरस ते खतना लिहिन उइ लोगन मं परेताई क कामु बड़े परभाव सहित करवाइ गवा। उइ ने हमतौ दूसर धरम वालेन म परभाव साली काम करवाइन हय।<sup>9</sup>अउर जबै उइ लोगन ने उइ अनुगरह का जउन हमका मिलत रहै। जान पाइत तौ याकूब अउर कैफा, अउर यहुन्ना ने जउन कलीसिया कइ खम्भा समझति जात है। हमका अउर बरनवास को दाहिना हाथ दइ केर साथ करि लिहिन, कि हम दूसर धरम मानन वालेन, के पास जाइत, अउर वह खतना कीन हुवन कइ पास।<sup>10</sup>केवल ई कहित रहै हम कंगालन कइ सुधि लै, अउर इह काम कइ करने का हम आपौ यतन करि रहै हय।

**पोलुस, पतरस क सामना**

<sup>11</sup>जबै कैफा अन्ताकिया मं आवा, तउ हमने उइ कइ मुहु पर उइका सामना किहिन रहा। काहे ते वही दोसी ठहराई रहा।<sup>12</sup>ई खातिर कि याकूब की ओर ते कितने लोगन कइ आवन ते पहिले उइ दूसर धरम वालेन कइ साथेइ खावा करित हय, मुला जबै उइ आइन रहै तउ खतना किहिन रहै, लोगन केर डेराई

कइ मारे उनते हटि गवा, अउर किनारा करइ लागि।<sup>13</sup>अउर उन कइ पास यहूदिनौ ने कपटु किहिन इहां तक बरनबासौ उनहिन कइ कपट मं परि गवा।

<sup>14</sup>पर जबै हम द्याखा कि उइ सुसमाचारु की सच्चाई पर सीधी चाल नाहीं चलि, तौ हम सबन कइ सामने कैफा ते कहिसि, जबै तू यहूदी होइकइ दूसर धरम मानेन वालेन की तरह नाहीं तो तुइ दूसरि जातिन को यहूदिन की तरह चलइ का काहे कहित हइ।<sup>15</sup>हमहू जनम ते ही यहूदी है, अउर पापी दूसर धरम मानेन वालेन मा ते नाहीं हन।<sup>16</sup>हम तुमका बताइ देइ कि मनई बेवस्था कइ कामन ते नाहीं, पर केवल यीसु मसीह मा बिसवासु करि कइ धरमी ठहरौ। ई कारन बेवस्था केर कामन ते कोऊ परानी धरमी नाई होवत।

<sup>17</sup>हम जउन मसीह मा धरमी ठहरावा जाई चाहीं तउ यदि ऊ खुदै ही पापी निकरै, तऊ का मसीहौ पापी होई है? नाहीं, कबहू नाहीं।<sup>18</sup>काहे ते कि जउन कुछ हम गिराइ डारिन, यदि उहि कौ फिर बनावत हइ, तौ अपन आप को दोसी ठहराइत हइ।<sup>19</sup>हम तौ बेवस्था कइ खातिर मरि गयेन कि परमेसुर की खातिर जी सकै।<sup>20</sup>हम मसीह कइ साथइ मा क्रूस मा चढ़ाई गवा, अउर अब हम जीयत नाहीं रहै, हम तो परमेसुर मा जीयत हई। अउर हम सरीर मा अब जउन जीयत हइ जउनु परमेसुर कइ बेटवा पर हई, जउन हमते परेम किहिन हई अउर हमारि खातिर अपनु आपु खातिर अपनि आपु का दइ दिहिन।<sup>21</sup>हम परमेसुर कइ अनुगरह का बेकार नाहीं ठहरावत। काहे ते यदि बेवस्था केर कारन धरमिकता होवत हइ, तौ मसीह का मरना बेकार होइ जात।

**बिसवासु अथवा बेवस्था केर कामु**

**3**अइ निबुद्धि गलतियन लोगन, कउनउ तुमका अपन बस मा कइ लिहिन? तुम्हार अंखियन कइ समुहैं, तउ मसीह का क्रूस पर देखाया गया।<sup>2</sup>हम तुमते इतनइ कहित हइ, का तुमहिन आतमा का बेवस्था कइ कामन ते पइहइ? यहु बिसवासु कइ समाचारु ते पावा हइ।<sup>3</sup>का तुइ अइसन निरबुद्धि होउ, कि आतमा की विधि पर सुरु करिकै, अब सरीर की विधि पे अन्त करिहौ!<sup>4</sup>का तुम इतनइ पीड़ा जो ही सह लिहिन पर हइ कबहू अकारथु नाहीं।<sup>5</sup>सो जउन आतमा तुमहिन दानु करिन, अउर तुइ मा सामरथ कइ काम करत हइ, वहि का बेवस्था कइ कामन ते या बिसवासु कइ सुसमाचारु ते अइसन करावत हई।

<sup>6</sup>अबराम तो परमेसुर पे बिसवासु किहिन, अउर ई

वहि कइ खातिर धारमिकता ठहरी।<sup>7</sup> अब तुम्हें भली भांति ते समझि लिहौ, जउनु बिसवासु कनि वालेइ हइ तेही अबराम की सन्तानु हइ।<sup>8</sup> अउर पवित्तर सास्तर मा पहिलेन ही ते जनि केर कि परमेसुर दूसर धरम वालेन का बिसवासु ते धरमी ठहराइत हइ, पहिलेन ही ते अबराम का ई समाचारु सुनाइ दिहिन कि तुम म सबइ जातिन आसीसु पाइन।<sup>9</sup> जो जउनु बिसवासु करिन, वाले हइ, उइ बिसवासी अबराम कइ साथ असीसु पावत हइ।

<sup>10</sup> सो जेतनइ लोगन बेवस्था कइ कामन वे बिसवासु करित हइ, वै सबन सराप कइ आधीन हइ, काहे के इह तई लिखिस हइ कि जउन बेवस्था किताबन मा लिखिस हइ सबन बातन कइ कारन मा इसथिर नाही रहत, उइ सरापित हई।<sup>11</sup> ई बात परगट हइ, कि बेवस्था कइ माध्यम ते परमेसुर कइ इहां कोऊ धरमी नाही ठहरत हइ, काहे ते धरमी जन बिसवासु ते जीयत हइ।<sup>12</sup> पइ बेवस्था का बिसवासु ते कुछ सम्बन्धु नाही पइ जउन उइन का मानित हइ, वहि उइ कइ कारन जीयत हइ।<sup>13</sup> मसीह ने जउनु हमार खातिर सरापित बनि, हमहूँ मोल लइ केर बेवस्था कइ सराप ते छुड़ाई, काहे ते लिखा हइ, जउन कोऊ काठ पे लटकाई जात हइ, वहि सरापित होई।<sup>14</sup> काहे ते अबराम कइ असीस यीसु मसीह मा दूसर धरम वालेन तक पहुँचे, अउर हम बिसवासु कइ कारन वहि आतमा का परापत करि जिही की परतिग्या हुई हइ।

### बेवस्था अउर वाचा

<sup>15</sup> ये भाइयन हम मनइन की विधिन पे कहित हइ, कि मनई की वाचौ जउन पक्की होइ जात हइ, तउ न काऊ वहि टाल सकत हइ, अउन न वहि मा कुछु बढ़ति हइ।<sup>16</sup> निदान परतिग्या न अबराम का अउर उइ कइ बंस का दिहिन गई, उइ ई नाई कहति हइ, कि बंसन का जइसन एक कइ बारे मा कहि गयेन, पै जइसन एक कइ बारे मा कि तोहार बंसन का अउर वहि मसीह हइ।<sup>17</sup> दह हम कहित हइ, कि जउन वाचा परमेसुर ने पहिलेन पक्की किहिस, रहै, वहि केइ बेवस्था चार सौ तीस बरसन कइ बादि आइ केर नाही तालि देइ, कि परतिग्या अकारथ ठहरी।<sup>18</sup> काहे के यदि मीरास बेवस्था ते मिली हइ, तो फिर परतिग्या ते नाई, मुला परमेसुर ने अबराम का परतिग्या कइ दुआरा है दीन हइ।

<sup>19</sup> तबै फिर बेवस्था का रही? उइ तउ दोसन कइ कारन बादि मा दीन गवा, कि उइ वस कइ आवै तक रहै। जेहिंका परतिग्या दीन गवा रहा। अउर वहि सरा

दूतन कइ हाथ ठहराइन गइन।<sup>20</sup> बिचउलिया तउ एकु का नाही होतु, मुला परमेसुर एक ही हइ।

<sup>21</sup> तऊ का, बेवस्था परमेसुर कइ परतिग्यन कइ विरोधु मा हइ? कबहूँ नाही होइ सकत, काहे ते यदि अइसन बेवस्था दीन जात जउनु जीवनु दइ सकत, तउन सचमुच धरमिकता बेवस्था ते होत।<sup>22</sup> मुला पवित्तर सास्तरन ने सबन का पाप कइ अधीन करि दिहिन। जाकी ई परतिग्या जउन का अधर यीसु मसीह पर बिसवासु करति हइ।

<sup>23</sup> बिसवासु कइ आवे ते पहिले बेवस्था की अधीनता मं हमारि रखवाली होत रहैन, अउर उइ बिसवासु कइ आने तक जउन परगट होवन वाले हइ, हम उइ कइ बन्धन मा रहैन।<sup>24</sup> ई खातिर बेवस्था मसीह तक पहुँचाइन का हमार सिच्छक हुइन हइ कि हम बिसवासु ते धरमी ठहरीं।<sup>25</sup> मुला जबै बिसवासु आइ चुकी, तो हम सब सिच्छकन कइ अधीन नाई रहै।

### परमेसुर केर बेटवा

<sup>26</sup> काहे ते तुम सबन उइ बिसवासु करिन कइ दुआरा जउनु मसीह यीसु पइ हई, परमेसुर कइ सन्तान होऊ।<sup>27</sup> अउर तुम मा ते जितनन ने मसीह मा बपतिसमा लिहिन हइ, उन्होने मसीह यीसु का पहिचान लिहन हई।<sup>28</sup> अब न तो कोऊ यहूदी रहा अउर न यूनानी ना कोऊ दास न आजाद न कोऊ नर, व नारी, काहे ते तुम बसन मसीह मा एकु होव।<sup>29</sup> अउर यदि तुम मसीह कइ होऊ, तो अबराम कइ बंसज अउर परतिग्या कइ मुताबिक वारिसौ होइ गवा।

**4** बात ई हइ कि वारिस जब तलक छोटु लरिका रहै, अउर सब चीजन का मालिक रहै, अउर उइमा, अउर दासन मा कउनउ भेटु नाही।<sup>2</sup> मुला पितउ कइ ठहराइन हुएन समय तक सिच्छकन अउर भंडारिन कइ बस मा रहत हइ।<sup>3</sup> वइसनइ हमहूँ जब लरिका रहै, तउ संसार की पुरानी सिच्छा कइ बस मा होइ कै दासन बने रहै।<sup>4</sup> पर, जब समय पूर होइ गवा तउ परमेसुर ने अपै लरिका का भेजि रहै। जेहिंका जनमु एकु अउरत ते भवा अउर बेवस्था कइ तहत जनमा<sup>5</sup> उइ बेवस्था कइ आधीन लोगन का मोलु लइकइ छुड़ाइ लै, अउर हमका लेपाक होवन का पद मिलै।<sup>6</sup> अउर तुम जउन बेटवा होउ इह खातिर परमेसुर ने अपन बेटवा कइ आतमा का जउन ए अब्बा, ए पितउ कहि करि पुकारित हइ, हमार मन मा भेजिहई।<sup>7</sup> ई खातिर तुइ अबै दास नाही मुला बेटवा हइ, अउर जबै बेटवा भवा, तो परमेसुर कइ दुआरा वारिसौ भवा।

## गलतियन केर खातिर पौलुस चिन्तित

<sup>8</sup>भला तबौ तौ तुम परमेसुर का नहीं जानित वहि कइ दास रहै, जउन सुभाव ते परमेसुर नहीं।  
<sup>9</sup>पइ अबै जउन तुमने परमेसुर का पहिचानित हई। वरन परमेसुर ने तुइका पहिचान लीन हई, तो उइ निरबल अउर निकम्मी पुरान सिच्छा की बातन की ओर काहे फिर रहे हउ। जउन कइ तुम दुआरा होवन चाहति हउ।<sup>10</sup>तुम दिनन, अउर मास, अउर नियत समयन, अउर बरसन कउ मानित हउ।  
<sup>11</sup>हम तुमरे बारे मा डेराइत हई, कि कहीं अइसन नहीं होऊ कि जउन मेहनत हमे करेन हई उइ बेकार ना ठहरे।

<sup>12</sup>ए भईयन हम तुमते विनती करित हय। तुम हमार समान होइ जाओ काहे ते हमहूँ तुमार समान हई। तुम हमार कुछ नहीं बिगाड़ी।<sup>13</sup>तुइ जानित हई कि पहिले पहिल हमने सरीर की निरबलता कइ कारन तुमहीं न सुसमाचारु सुनाई।<sup>14</sup>अउर तुमने हमार सारीरिक दसा का जउन तोहार परिच्छा का कारन हई, तुच्छ न जान उइ मा धिरना की, अउर परमेसुर कइ दूत वरन मसीह कइ समान हमहूँ गरहन किहिन।<sup>15</sup>तउ उइ तुम्हार खुसी मनावत कहाँ गवा? हम तोहार गवाह रहै, यदि होइ सकत हई, तुइ अपन आँखि निकाँरि कइ हमहूँ का दइ देइ।<sup>16</sup>तउ का तुमते सही ब्यालै के कारन हम तोहार बैरी बन गयन।

<sup>17</sup>तोहार मितर तो बनना चाही हई, भलमन्साहत ते नहीं, हमका तुमते अलग करिन चाहित हई, जेहिते उइ का मितर बना लीन्हों।<sup>18</sup>इह भला हई कि भली बातन मा हर समय साथी बनावै का यतन कीन जाइ, न केवल उसी समय जबै हम तोहार साथी रहित हई।<sup>19</sup>ए हमार लरिकन जबै तलक तुममा मसीह का रूप न बनि जाई तबौ तलक हम तोहार खातिर जच्चा जइस पीरा सहित हई।<sup>20</sup>इच्छा तौ ई होतु हई, कि अब तोहार साथ आइ कइ अउरै परकार ते बुलाऊँ काहे ते तोहार बारे मा हमें अन्देसा हई।

## हाजरा अउर सारा

<sup>21</sup>तुम जउन बेवस्था कइ अधीन होइ चाहित हउ हमते कहौ, का तुम बेवस्था की नहीं सुनत हउ।<sup>22</sup>ई लिखिस हई, अबराम कइ दोऊ बेटवा भवा, एकु दासी ते एक आजाद औरत ते।<sup>23</sup>जउन दासी ते भवा, उइ सारीरिक विधि ते जनमा आय, जउन आजाद औरत ते भवा, उइ परतिग्या ते जनमा

<sup>24</sup>ई बातन मा उदाहरनु इ, ई औरतन मानों दुइ वाचायन हई एकौ सीना पहारु की, जेहिते दास ही

जनम लेत हई, अउर उइ हाजरा भई।<sup>25</sup>हाजरा मानौ अबर की सीना पहारु हई, अउर जउन आज का यरुसलेम कइ सन्तान हई, कहिकइ उइ अपन लरका समेत दास हई।<sup>26</sup>पर ऊपर कइ यरुसलेम आज भी आजाद हई, अउर उइ हमरी महतारी हई।<sup>27</sup>जेहिका लिखिसि हई, कि ऐ बांझ तुइ जउन नहीं जानित खुसी करौ तुइ जेहिका पीर नाई उठति गला खोलि कइ जय जयकार करौ, काहे ते त्यागिन गयन की सन्तान, सुहागिन की सन्तानौ ते बढ़िके हई।

<sup>28</sup>ए भाइयन हम इसहाक की तिना परतियया की सन्तान हई।<sup>29</sup>अउर जइसन उइ समय सरीर कइ मुताबिक जनमा हई, आतमा कइ मुताबिक जनमे हुएन का सताया रहै वइसन अबौ भी होवत है।<sup>30</sup>मुला पवित्तर सास्तरन कहित हई, दासी अउर उइ कइ बेटवा का निकाँरि दै। काहे के दासी का बेटवा अजाद औरत कइ बेटवा कइ साथ वारिस नाई होइत हई।<sup>31</sup>ई खातिर ए भाइयन, हमहूँ दासी कइ नहीं वइ आजाद औरतु का बेटवा हई।

## यीसु म आजादी

**5**मसीह ने अजादी कइ खातिर हमका आजाद किहिन, उइमा दिह रहै का चाहीं अउर दासता कइ हल मा फिर ते ना जुतौ।

<sup>2</sup>दयारखौ हम पौलुस तुमते कहित हई, यदि खतना कराइ लिहौ, तो मसीह ते तुमका कउनउ लाभ नहीं होइहई।<sup>3</sup>तबहूँ हम हर एकु खतना कराए बालेन का जताइ देइत हई कि उइका सारी बेवस्था मानइ परिहै।<sup>4</sup>तुम जउन बेवस्था कइ कारन धरमी कहावा चाहति हई, मसीह ते अलग अउर अनुगरह ते गिर गयन होई।<sup>5</sup>काहे ते आतमा कइ कारन हम बिसवासु ते आसा कीहेन, धारमिकता की बाट जोहत रहत हई।<sup>6</sup>अउर मसीह यीसु मा न खतना, न बिना खतना कुछ काम का हई, पर बिसवासु का जउन परेमे ते परभाव करति हई।

<sup>7</sup>तुम तौ भली-भाति दउरत रहौ, अब कउन तुमका रोकि दिहिन, कि सच का नाई मानौ।<sup>8</sup>अइसन सीख तो घर बुलावै बालेन की ओर ते नहीं।<sup>9</sup>थोरा साथ खमीर सारे गूँथे भए आँटन को खमीर बना डारत हई।<sup>10</sup>हम परभु पर तोहार बारे मा भरोसा राखत हई, कि तोहार कउनउ दूसर बिचार नहीं होइहैं। मुला जउन तोहार डराइ देइत हई, वहि कोऊ काहे न होऊ उइ दंडु अवसि पाई।<sup>11</sup>पर ए भाइन यदि हम अब तलक सतावइ जात रहा, फिर तो क्रूस की ठोकर जात रही।<sup>12</sup>नीक होत कि जउन तुमका

बहका रहन हइ, उइ सबन कहि डारे जात रहे हईं।

<sup>13</sup>ए भाइयन, तुम अजाद होइ के खातिर बुलावा गयन हइ, वरन अइसन नाहीं होइ, कि ई आजादी सारीरिक कामन कइ खातिर अवसरु बने, वरन परेम ते एक दूसरे कइ दास बनौ। <sup>14</sup>काहे ते सारी बेवस्था ई एकु उ बात मा पूर हइ जात हईं, कि तुइ आपन परेसी ते अपन समान परेम रक्खी। <sup>15</sup>पर यदि तुम एकु दूसर का दांत ते काटत अउर फारि खात हईं। तउ चउकस रहौ, कि एक दूसर क सत्यानासु नाहीं कर देइ।

### आतमा ते जीवनु

<sup>16</sup>पर हम कहित हइ आतमा कइ मुताबिक चलै, तउ तुम सरीर की लालसा कउनउ रीति ते पूर नाहीं करिहौ। <sup>17</sup>काहे ते सरीर आतमा कइ विरोधु मा अउन आतमा सरीर क विरोधु मा लालसा करि हइ, अउर दुनउ एकु दूसरि कइ विरोधी हइ। ई खातिर कि जउन तुम करन चाहत हउ वहि नाई करि पइहौ। <sup>18</sup>अउर यदि तुम आतमा कइ चलाई चलत हइ, तो बेवस्था कइ अधीन नाहीं रहेन।

<sup>19</sup>सरीर क कामु तउ परगट हइ, यानी व्यभिचार, गन्देकामु, लुचपनु। <sup>20</sup>मूरति पूजा, टोना, बैर, झगड़ा ईरसा, किरोध, विरोध फूट, विधरम। <sup>21</sup>डाह, मतवालपन, लीला, खेलु अउर ई कइ अइसन अउरु काम हइ, ई कइ बारे मा हम तुमका पहिलेन ते कहि देइत हइ, कि अइसन अइसन कामु करिन वालेन परमेसुर कइ राज कइ वारिस नाई होइ हईं।

<sup>22</sup>पर आतमन कइ फलु परेम, अनन्द, मेलु, धीरज। <sup>23</sup>किरपा, भलाई, बिसवासु नमरता, अउर संजमु हइ, अइसन अइसन कामन कइ विरोधु मा कउनउ बेवस्था नाहीं। <sup>24</sup>अउर जउनु मसीह यीसु कइ हईं, उनहिन सरीर को उइकी लालसन अउर अभिलासनु समेत क्रूस पइ चढ़ा दिहिन हइ। <sup>25</sup>यदि हम आतमा कइ दुआरा जीयत हईं तो आतमा कइ मुताबिक चलै भी। <sup>26</sup>हम घमंडी होइ केर नाहीं एक दूसरे क छेड़े, अउर ना एक दूसर ते डाह करिन।

### सबके खातिर भला करौ

**6**ए भाइयन यदि कउनउ मनई कउनइ अपराध मा पकरा भी जाय, तो तुम जउन आतमिक होई, नमरता कइ साथे अइसन का सम्हालो अउर अपने भी चउकस रहो कि तुम भी परिच्छा मा न पड़ो। <sup>2</sup>तुम एकु दूसरे कइ बोझु उठाउ, अउर ई परकार

मसीह की बेवस्था का पूरा करी। <sup>3</sup>काहे ते यदि कोऊ कछु नाहीं होइन पइ भी अपन आपु का कछु समझत हइ, तो अपन आपका धोखा देइत हइ। <sup>4</sup>पर, यदि हर एकु मनइ अपनइ काम का जांचि लै अउर तब दूसर कइ बारे मा नाहीं पर अपन ही बारे मा उइका घमंड करिन का अवसरु होइ गयन। <sup>5</sup>काहे ते हर एकु मनई अपन बोझु उठाइ रहै हईं।

<sup>6</sup>जउनु बचनु की सिच्छा पावति हइ, वहि सब भली बस्तुन मा सिखायवालेन का भगी करै।

<sup>7</sup>धोखा नाहीं खावो, परमेसुर डूठन मा नाहीं उड़ाई जात काहे क मनई जउनु कछु बोइत हइ वहि वो काटत हइ। <sup>8</sup>काहे ते जउनु अपन सरीर कइ खातिर बोइत वहि सरीर कइ दुआरा विनास की कटनी काटत हइ। अउर जउन आतमा कइ, खातिर बोवत हइ, उइ आतमा कइ दुआरा अनन्त जीवन की कटनी काटत हइ। <sup>9</sup>हम नीक काम करिन मा हियाव नाहीं छोड़े। काहे ते यदि हम ढीलेन होई तो ठीक समय पर कटनी काटत रहै होई। <sup>10</sup>ई कारन जहां तलक मौका मिले हम सब कइ साथे भलाई करै। विसेस कई के बिसवासी भाइयन कइ साथ।

### खतना नाहीं मुला नवा सिरिस्टी

<sup>11</sup>दयाखी, हम कइस बड़े-बड़े अच्छरन मा तुमका अपन हाथ ते लिखिस हईं। <sup>12</sup>जितने लोगन सारीरिक दिखावा चाहत हईं, वहि तोहार खतना करिन वालेन कइ खातिर दबाव दै देयत हइ, केवल इह खातिर की वहि मसीह कइ क्रूस कइ कान सताई नाई जात रहै हईं। <sup>13</sup>काहे ते खतना करन वालेन खुदै तो बेवस्था पइ नाहीं चलत हईं पइ तोहार खतना करावा ई खातिर चाहित हईं कि तोहरी सारीरिक दसा पइ घमंड करै। <sup>14</sup>पइ अइसन नाहीं होई कि हम अउर कउनउ बात का घमंडु करी केवल हमार परभु यीसु मसीह कइ क्रूस का जउन कइ दुआरा संसार हमरी नजर मा अउर हम संसार की दिरिस्टी मा क्रूस पइ चढ़ावा गवा रहे। <sup>15</sup>काहे ते न खतना अउर न खतना रहित कछु है मुला नबी सिरिस्टी है। <sup>16</sup>अउर जितनन ने ई नियम पर चलत रहै उइ पइ, अउर परमेसुर कइ इसराएल पइ, सान्ती अउर दया होइत रहै।

<sup>17</sup>आगे ते हमका कोऊ दुख न दे, काहे ते हम यीसु कइ दागन का अपन देह मा लेवत फिरत हईं।

<sup>18</sup>ए भाइयन हमार परभु यीसु मसीह केर अनुगरह तोहार आतमा कह साथे रहै। आमीन।